

ՎԵՆԱՐԱՆՈՒՄ



ՎԵՀԱՓԱՌ ՀԱՅՐԱՊԵՏԻ ԳԱՀԱԿԱԼՈՒԹՅԱՆ ԲՍԱՆԵՐՈՐԴԻ ՏԱՐԵԴԱՐՁԻ ՀԱՆԴԻՍՈՒԹՅՈՒՆ ՄԱՅՐ ԱԹՈՌՈՒՄ

Սեպտեմբերի 28-ին լրացավ Վեհափառ Հայրապետի բարերաստիկ գահակալության 20-րդ տարեդարձը:

Գերագույն հոգևոր խորհուրդը փետրվարի 11-ի իր նիստում որոշել է Նորին Արքայության գահակալության 20-ամյակը համազգային շուրով նշել առաջիկա տարի՝ 1976 թվականի սեպտեմբերի 29-ին, սրբալույս մյուսոնի օրհնության հանդիսավոր առիթով:

Այս տարի էլ Վեհափառ Հայրապետի գահակալության 20-րդ տարեդարձի առիթով Մայր Աթոռ Էին ժամանել հյուրեր, այդ թվում՝ Հարավային Ամերիկայի հայոց հայրապետական պատվիրակ և Արգենտինայի հայոց առաջնորդ **տ. Բաբգեն արքեպ. Ապատյանը**, Կանադայի հայոց առաջնորդական փոխանորդ **տ. Արիս եպս. Ծիրվանյանը** և բազում ուխտավորներ ասիյուրքից:

Սեպտեմբերի 28-ին, կիրակի օրը, հայրապետական գահակալության 20-ամյակի առիթով, Մայր տաճարում հանդիսավոր **ս. պատարագ է մատուցում տ. Արսեն եպս. Բերբերյանը**:

Ժամը 12-ին հորեկար Հայոց Հայրապետը եկեղեցական թափոռով առաջնորդվում է Մայր տաճար, ուր աջակողմյան և ձախակողմյան դասերում տեղ են գրավել ավյուրքախաչ բազում ուխտավորներ և հրավիրյալներ, այդ թվում՝ Գերագույն հոգևոր խորհրդի անդամներ **պրոֆ. Սարգիս Մելիք-սերյանը**, ղոցնետ Հովհաննես Թովուզյանը,

Վերստուգիչ հանձնաժողովի անդամ **Եփրեմ Ալեքսանյանը**, Կուլպենկյան հիմնարկության (Լիսաբոն) հայկական գործերի բաժնի վարիչ **Կորյուն Քեշիշյանը**՝ իր հարգելի տիկնոջ հետ, տեղ և տիկին **Գեղամ Տանձիկյանները**՝ Բեյրութից, **Տիգրան Մյուրաբյանը**՝ Բուենոս-Այրեսից, և ուրիշներ:

Մայր տաճարը լիքն է աղոթավոր, բարեպաշտ հավատացյալներով:

Ս. պատարագի եկամյան երգեցողությունն ապրումով կատարում է Մայր տաճարի երգչախումբը՝ շնորհալի ղեկավարությամբ խմբավար **Խորեն Մելիսանջյանի**:

«Հայր մեր»-ից առաջ բովանդակալից և ոգեշունչ քարոզ է խոսում պատարագիչ **տ. Արսեն եպիսկոպոսը**՝ «Յաղթող և սուրբ Հայրապետ, նման մեծին Մովսիսի» շարականի բնաբանով, և վեր հանում անցնող քսան տարիների ընթացքում Հայոց Հայրապետի ծավալած եկեղեցական, մշակութային, հայրենասիրական և խաղաղասիրական գործունեության կարևորությունը մեր այսօրվա ազգային-եկեղեցական տարեգրության մեջ:

Քարոզիչ սրբազանն իր քարոզն ավարտում է Մայր Աթոռ **ս. Էջմիածնի** անսասանության, պայծառության և նրա արժանիքների, առաքելաշաղիղ Գահակալի թանկագին կենաց արևշատության սրտագին մաղթանքներով:

Հավարտ **ս. պատարագի** հանդիսավոր

րությանը կատարվում է հայրապետական մատչմամբ:

Այնուհետև վեհարանում Հայոց Հայրապետն իր գահակալության ուրախ առիթով ընդունում է ջերմագին շնորհավորություններ և բարեմաղթություններ սփյուռքահայ ուսումնականների ու հավատացյալների:

Ժամը 15-ին վեհարանի սեղանատանը տրվում է ճաշկերույթ՝ գահակալության առթիվ:

Ճաշկերույթին ներկա են լինում **տ. Բաբգեն արքեպ. Ապատյանը, տ. Վահան, տ. Արսեն և տ. Արիս** սրբազանները, Մեծի Տանն Կիլիկիայի Անթիոխի Աթոռի միաբաններ **տ. Արամ վրդ. Քեշիշյանը, տ. Զարեն վրդ. Ազնավորյանը, Մայր Աթոռի միաբաններ տ. Գևորգ Ժ. վրդ. Կարպիսյանը (Բեյրութ), տ. Վազգեն և տ. Մասիս վարդապետները, տ. Տիրան, տ. Եզնիկ, տ. Թորգոմ արքեպետները, հոգևոր ճեմարանի տեսուչ տ. Հովհաննես ավագ քհն. Մարությանը, Գերագույն հոգևոր խորհրդի անդամներ պրոֆ. Սարգիս Մելիքսեթյանը, դոցենտ Հովհաննես Թափուզյանը, Վերստուգիչ հանձնաժողովի նախագահ Եփրեմ Ալեքսանյանը, «Էջմիածին» ամսագրի խմբագիր Արթուր Հատիսյանը, Մայր Աթոռի ֆինանսական բաժնի վարիչ Գառնիկ Քեհայանը և տնտեսական բաժնի վարիչ Անդրանիկ Ութուշյանը:**

Ճաշկերույթին ներկա էին նաև տեր և տիկին Կորյուն Քեշիշյանները, տեր և տի-

կին Գեղամ Տանձիկյանները և տիար Տիգրան Մյուրաքյանը:

Հայրապետական գահակալության 20-ամյակի առթիվ տրված պաշտոնական ճաշկերույթին ներկա էին նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ Ս. Գասպարյանն ու տեղակալ Ս. Հովհաննիսյանը:

Սեղանն օրհնեց վեհափառ Հայրապետը:

Հայոց Հայրապետի գահակալության 20-ամյակը ջերմորեն և երախտագետ սրտով ողջունեցին **տ. Բաբգեն արքեպ. Ապատյանը, տ. Արիս եպս. Ծիրվանյանը, տ. Գևորգ և տ. Արամ վարդապետները:**

Հայոց Հայրապետի գահակալությունը ողջունեց նաև ՀՍՍՀ Մինիստրների սովետին առընթեր հայ եկեղեցու գործերի խորհրդի նախագահ Ս. Գասպարյանը:

Հայոց Հայրապետը բաժակ բարձրացրեց պրն. Սարգիս Գասպարյանի, պրն. Սուրեն Հովհաննիսյանի հայրենամակեր գործերի հաջողության և բոլոր ներկաների քաջատողթության համար:

Հանդիսության խանդավառությունն ավելացրին **տ. Զարեն և տ. Մասիս վարդապետներն** ու **տ. Թորգոմ արքեպ.** մեներդներով և արտասանություններով:

Վեհափառ Հայրապետի գահակալության 20-ամյակի առթիվ տրված ճաշկերույթին ավարտվեց խանդավառ մթնոլորտում, խմբովին երգված «Հայր մեր»-ով և Նորին Սրբության գոհաբանական աղոթքով:

